

ԼՐԱՅԱԿ ԵՐՁԱՆԿԱԶԻՇԱՏԱԿ ՎԱՉԳԵՆ ԱՌԱՋԻՆԻ ՇՆՆԱՅԱՆ 90-ԱՄՅԱԿԸ

ՀԵՏԱԴԱՉ ՀԱՅԱՑՔ

1955 թ. հոկտեմբերի 2-ին Մայր Տաճարում, ըստ կարգաց և կանոնաց Հայաստանյայց Առաքելական Սուրբ Եկեղեցու, վեհաշուք համդիսությանը կատարվեց այսօր արդեն երջանկափիշատակ վազգեն Ա Ամենայն Հայոց Հայրապետի կաթողիկոսական օծումը: Այդ օրը համայն հայությունը մաքուր սրտով, բաց ճակատով, զանգերի ուրախ դողանքներով, աջհամբույրով ողջունեց Ամենայն Հայոց նորընտիր վազգեն Ա Կաթողիկոսին: Հանձին վազգեն Ա Վեհափառի, Հայաստանյայց Եկեղեցին ունեցավ պայծառ մտքով, հավատավոր, մվիրված, գործունյա ու շինարար Կաթողիկոս:

Դեռևս 1935 թ. Բուխարեստում հրատարակվող «Հերկ» ամսագրում ապագա Կաթողիկոսը մարգարեաբար գրել է. «Հայ ապագայի համար ատաղձ կառուցանել, նյութական և մանավանդ մտավոր ու հոգեկան իմաստով, ահա մեր օրերում մեծ խնդիրը: Կառուցել՝ ցեղին հոգիեն բխող զգացումներու թելադրանքին տակ...»: Սակայն հայոց պատմության ոգին խորապես ըմբռնած, ազգի լինելության գաղտնարանները ներթափանցած Հայոց ապագա Հայրապետը, որ 1935 թ. դեռևս երիտասարդ էր, դեռ ոչ փորձաշատ և նոր էր սկսում իր մշակութային-քաղաքական գործունեությունը, ի լուր ամենքի հայտարարում էր սեփական ազգի ոգու վերանորոգման հրամայականի մասին: Տարիներ անց վազգեն Ա նորընտիր Կաթողիկոսը, ուրքը հայոց չարչրկված հողին դեռ նոր դրած, արդեն կառուցելու, վերաշինելու, շենացնելու ոսկեղեն տեսիլքներ էր ունենում՝ հայացքը հառած Լուսավորչի մշտավառ կանթեղին, մտովի հաղորդակցվում Զվարթնոցը հրաշագարողոջ Ներսես Օհանոյի, Հոփսիսիմեն մշամակերտող Կոմիտասի, Անին հրաշակերտող մեծն Տրդատի, Աղթամարի քարեղեն երազը մարմնավորող Մանվելի, հանճարեղ Թամանյանի մեծ ավանդներից:

Եվ այսօր, երբ հետադարձ մի հայացք ենք գցում վազգեն Ա Վեհափառ Հայրապետի գահակալության շուրջ 40-ամյա կառուցողական գործունեությանը, նոր ենք միայն ըմբռնում, որ 1935 թ. մարգարեացած «հայ ապագայի համար ատաղձ կառուցանել...» տողերը կարող են բանալի դառնալ՝ հասկանալու, թե այդ ի՞նչ հրաշքով երջանկափիշատակ



ՀԱՅՐԱՊԵՏԱԿԱՆ ՊԱՏԱՐԱԳ
(1994 թ., հունվարի 6, ՎԵՀԱԺԱՌ ՀԱՅՐԱՊԵՏԻ ՎԵՐՋԻՆ ՊԱՏԱՐԱԳԸ)

Կաթողիկոսը, զաճ քարձրամալու առաջին իսկ օրից, սկսեց կառուցել, ստեղծել ու հրաշակերտել անսպառ եռանդով, անվերջ ու անդադրում: Որքա՛ն խորհրդամշակամ է, որ Ներսես Շինող, Կոմիտաս Կաթողիկոս, Տրդատ, Մանվել, Թամանյան մեծ ճարտարապետների աշխարհաշեն երկրում ժողովուրդը Վազգեն Ա Վեհափառին պատվեց ամենամեծ տիտղոսով՝ կոչելով նրան «Շինարար»: Հայոց հյուրընկալ աշխարհում սիրո ու հարգանքի ավելի մեծ դրսևորում դժվար է գտնել: Իր գահակալության շուրջ 40 տարիների ընթացքում Վեհափառ Հայրն անմնացորդ նվիրվեց հայ ժողովրդի, նրա հոգևոր մշակույթի ծաղկմանն ու հարատևմանը:

Վազգեն Ա Վեհափառը (Լևոն-Կարապետ Արքաթամի Պալճյան) 1955 թ., հայրապետական օծում ստանալուց չորս օր հետո, եպիսկոպոս է ձեռնադրում յոթ վարդապետների և երկու օր անց, 12 եպիսկոպոսների ընկերակցությամբ ու շքեղ հանդիսավորությամբ, կատարում Սրբալույս Մյուտոնի օրհնություն, որը 30 տարի ի վեր չէր կատարվել Ա. Էջմիածնի Մայր Տաճարում: Ապա 1957 թ., Հայոց Հայրապետի համառ ջանքերի շնորհիվ, Մայր Աթոռին վերադարձվեց հայտնի բարերար Մանթաշյանի նվիրատվությամբ կառուցված Նոր Վեհարանի շենքը: Այն վերանորոգվեց և դարձավ գեղեցիկ մի կառույց, իսկ Հին Վեհարանն իր Ծաղկյա դահլիճով վերածվեց «Կաթողիկոսաց» թանգարանի:

Նորին Սրբությունն իր անմիջական հոգածությամբ ստանձնեց Հոգևոր Մեծարանի, ինչպես նաև այնտեղ դասավանդող դասախոսական կազմի նորացման ու համալրման գործը: Ամեն ինչ արվեց, որպեսզի Հոգևոր Մեծարանն ավարտած ուսանողները, որոնք կոչված են դառնալու սպասավորները Հայաստանյայց Եկեղեցու, լինեն մեծ իմացականության և բարձր ճաշակի տեր, հոգով մաքուր և ազնիվ հոգևորականներ, հայ ժողովրդի երաժշտական գանձերի և մշակույթի քաջ գիտակ, սեփական ժողովրդին մաքուր սրտով ծառայելու պատրաստական մշակներ:

Բազմափաստակ Հայրապետի ուշադրության կենտրոնում եղել է նաև Հայաստանի տարբեր շրջաններում հոգևոր կրթական հաստատություններ հիմնելու հարցը: Նորին Սրբությունն իրականացրեց Խրիմյան Հայրիկի երազանքը՝ վերաբացելով Առանի հոգևոր դպրանոցը, որը հետագայում անվանվեց Վազգենյան: Վեհափառ Հայրապետի օրհնությամբ Շիրակի թեմում բացվեց հոգևոր ընծայարան:

1961 թ. Վազգեն Ա Կաթողիկոսի նախաձեռնությամբ և սփյուռքահայերի անշահախնդիր նվիրատվությամբ ժամանակակից սարքավորումներով վերազինվեց Մայր Աթոռի նոր տպարանը, որը հիմնադրվել էր 1771 թ., Սիմեոն Ա Երևանցի Կաթողիկոսի ջանքերով: Կանոնավոր կերպով և մի նոր պայծառությամբ շարունակվեց հրատարակվել Մայր Աթոռի

«Էջմիածին» պաշտոնական ամսագիրը, որը լուսարանում է Մայր Աթոռի և Հայ եկեղեցու թեմերի կյանքը, հրատարակում հայ ձեռագրագիտության, աղբյուրագիտության, գաղթավայրերի պատմության, վանքերի վերաբերյալ ուսումնասիրություններ, միջնադարյան մատենագրության անտիպ գործեր, ինչպես նաև ամերիկացիներում հայոց լեզվի, հայ դպրոցի, տպագրության, մամուլի, ճարտարապետության, եկեղեցական և ժողովրդական երաժշտության պատմությունը:

Վեհափառը նախաձեռնեց Նոր Կտակարանի աշխարհաբար հրատարակությունը: Դեռևս իր անդրանիկ կոնդակում Վազգեն Ա Կաթողիկոսը գրել է. «Պիտի տքնիմք վերանորոգելու և վերագարդելու մեր հայրենի սրբավայրերը՝ վանքեր ու եկեղեցիներ, ինչպիսիք են Ս. Հովհաննիս, Ս. Գայանեն, Խոր Վիրապը, Օշականը, Գեղարդը և ուրիշներ, որոնք մեր հոգևոր կյանքի սյուները կհանդիսանան ու հռչակված տաճարները աղոթքի և ուխտի, և զմայլելի հուշարձանները հայ ճարտարապետության փառքի»: Այդ վեհ նպատակն իրագործելու համար, Վեհափառ Հայրապետի կարգադրությամբ, կազմվեց հայ անվանի ճարտարապետներից քաղկացած մի հանձնաժողով, որն ինքնաբերական նվիրումով և մեծ սիրով իր վրա վերցրեց Մայր Աթոռի և վանքերի ու եկեղեցիների շինարարական-վերակառուցողական աշխատանքների կազմակերպումը՝ Նորին Սրբության անմիջական հսկողությամբ, Գերագույն Հոգևոր Խորհրդի համագործակցությամբ:

Հանձնաժողովը, որի կազմում էին անվանի ճարտարապետներ Միքայել Մազմանյանը, Կարո Ղաֆադարյանը, Վարազդատ Հարությունյանը, Ռաֆայել Իսրայելյանը, Կոստանդին Հովհաննիսյանը, մանրագին ուսումնասիրեց և պատրաստեց մի շարք նախագծեր՝ վերանորոգելու և քարեզարդելու ավերակ կամ կիսավեր շատ եկեղեցիներ, վանքեր, որոնք համաշխարհային ճանաչում ունեցող անկրկնելի կոթողներ էին: Ահա ոչ ամբողջական ցանկը վերանորոգված, շենացած, նոր շունչ ու կյանք ստացած կառույցների. Էջմիածնի Մայր Տաճար, Ս. Հովհաննիս, Ս. Գայանե, Ս. Ծղակաթ, Ս. Աստվածածին, Օշականի Ս. Մեսրոպ Մաշտոց, Երևանի առաջնորդանիստ Ս. Սարգիս, Ս. Զորավոր, Ս. Հովհաննես, Հրազդանի, Մոսկվայի, Ռոստովի, Արմավիրի եկեղեցիները, Գեղարդի և Խոր Վիրապի վանքերը: Մայրավանքի շրջափակում կառուցվեցին Մեծ Եղեռնի անմեղ մահատակների հիշատակը հավերժացնող հուշարձանը, Խրիմյան Հայրիկին նվիրված հուշարձան-կոթողը, Գալուստ Կյուլպենկյան վանատունը, Ալեք-Մարի Մանուկյան գանձատունը: Բյուրականում կառուցվեց Հայկաշեն ամառանոցը:

Ծնորդիվ Վեհափառ Հայրապետի իմաստուն քաղաքականության և Խորհրդային Հայաստանի կառավարության բարեհաճության, Հայաս-

տանյայց Եկեղեցու և պետության հարաբերությունները ստացան ողջմիտ ընթացք՝ փոխըմբռնման քարենպաստ հող ստեղծելով Հայ Եկեղեցու գոյատևման և քարգավաճման համար: Բազմափաստակ Հայրապետի հարաճում ջանքերով արթնացավ ժողովրդի ազգային ոգին Մայր Եկեղեցու մկատմամբ: Ժողովուրդը հմարավորություն ստացավ վերադառնալ իր հոգևոր ակունքներին, խոնարհվեց մախնյաց սրբությունների առջև: Վազգեն Ա Վեհափառը մեծապես նպաստեց Սարդարապատի հուշահամալիրի կառուցմանը, հրապարակեց 1918 թ. մայիսի 28-ը Հայաստանի պետականության վերականգնման օր հռչակող սրբատառ կոնդակը:

Հայ Եկեղեցին բոլոր ժամանակներում էլ եղել է «Հայ ժողովրդի հոգու գանձարանը», որը մարմնավորվեց ման աստվածապաշտ ու արվեստապաշտ Վազգեն Ա Կաթողիկոսի կերպարում, որ իր հոգում ամբարած բազում դարերի փորձն ու գործը գումարեց հայոց փառքերին, հայոց լույսերին: Եվ թնական է, որ աշխարհի բոլոր կողմերից մեծաթիվ հայեր, հայրենաքաղձ տարագիրներ գալիս էին «Հայոց ժողովրդի գանձարանից» առատորեն տանելու օրհնություն ու լույս, ոգի ու կորով՝ հայրենապրելու, հպարտ ապրելու, հայ մնալու իրենց ամենօրյա դժվարին պայքարում:

Ամենայն Հայոց եղջանկահիշատակ Կաթողիկոսն իր գահակալության տարիներին կատարել է շուրջ 30 հովվապետական ուղևորություններ, լույս ու հավատք սփռել աշխարհի չորս ծագերում ապրող իր ցիրուցան հոտի բոլոր անդամներին:

1988 թ. փետրվար, ապա ման դեկտեմբերի 7: Հայ ժողովրդի գլխին կախվեց ծանր արհավիրքների շղթան: Բնականաբար, Ամենայն Հայոց Հայրապետը լծվեց իր ժողովրդին հասցված վերքերն ամոքելու գործին:

Վեհափառ Հայրապետի ջանքերի շնորհիվ կյանքի կոչվեցին Սյունյաց, Գուգարաց, Արցախի թեմերը:

Վազգեն Վեհափառի գործունեության մեջ կարևոր տեղ են գրավում աշխարհի խաղաղության պահպանման և ամրապնդման գործում, ինչպես ման միջեկեղեցական (Էկումենիկ) շարժման իր թերած մեծ ավանդը: 1962 թ. Հայոց Կաթողիկոսի տնօրինությամբ Հայաստանյայց Եկեղեցին անդամագրվեց Եկեղեցիների Համաշխարհային խորհրդին, իսկ հետագայում՝ Եվրոպական Եկեղեցիների Համաժողովին և Կանադայի Եկեղեցական խորհրդին: Վեհափառ Հայրապետի և քույր Եկեղեցիների հոգևոր պետերի միջև կայացած հանդիպումներն ու փոխադարձ այցելություններն ամրապնդեցին Էկումենիկ հարաբերությունները:

Պատմական հատուկ նշանակություն ունի 1970 թ. մայիսին Վազգեն Ա Կաթողիկոսի այցելությունը Վատիկան և հանդիպումը Պողոս Զ Սրբազան

Պապի հետ: Երջանկահիշատակ Կաթողիկոսը հանդիպումներ է ունեցել մեծ թվով բարձրաստիճան քաղաքական գործիչների հետ: Մասնակցել է բազմաթիվ խորհրդածողությունների՝ Պրագայում (1961), Ստոկհոլմում (1962), Հելսինկիում (1965), Մոսկվայում (1982-83), Թիֆլիսում և Երևանում գումարված միջազգային խորհրդածողությունների՝ միշտ խորիմաստ ելույթներով գորավիզ կանգնելով խաղաղության և ժողովուրդների միջև եղբայրության օգտաշատ գործին: Խաղաղության պաշտպանությամբ մատուցած ծառայությունների համար պարգևատրվել է Խաղաղության Համաշխարհային խորհրդի Ժոլիո Կյուրիի անվան (1962) և Խաղաղության Պաշտպանության խորհրդային Կոմիտեի ոսկե մեդալներով (1968) և բազմաթիվ շքանշաններով՝ որպես արդար գնահատանք իր երկար, բեղմնավոր գործունեության:

Այսօր երբ տարիների բարձունքից ետադարձ մի հայացք ես մետում Ամենայն Հայոց երջանկահիշատակ Վազգեն Ա Կաթողիկոսի գահակալության տարիների անցած ուղում, համոզվում ես, որ Նորին Սուրբ Օծությունը բոլորանվեր կերպով է կատարել իրեն վիճակված առաքելությունը, որ նրա սիրտը լի էր սիրով դեպի իր հոտը, որ նա աղոթել ու գործել է համում մեր ժողովրդի հոգևոր միասնության, ազգի հարատևման, Հայրենիքի բարգավաճման ու Հայ Եկեղեցու պայծառակերպման:

ՄԻԼՎԱ ՍՈՒՔԻՍՅԱՆ